

Pertandingan reka cipta UMP jana idea baru

Oleh Mimi Rabita Abdul Wahid
bhvarsiti@bharian.com.my

SEBANYAK 70 projek penyelidikan pelajar sekolah menengah dan institusi pengajian tinggi (IPT) dipamerkan sempena Pertandingan Reka Cipta & Inovasi anjuran Universiti Malaysia Pahang (UMP), baru-baru ini.

Pemangku Pusat Pengajian Berterusan & Pembangunan Profesional (CENFED) merangkap Pengerusi Pertandingan Reka Cipta & Inovasi, Jamil Basri, berkata pertandingan bertema 'Inovasi untuk kehidupan' itu bertujuan meningkatkan kesedaran mengenai kepentingan pemikiran kreatif dan budaya inovasi dalam kalangan generasi muda.

"Pemikiran kreatif dan budaya inovasi perlu dipupuk ke arah penghasilan kekayaan, penjaan ilmu dan kesejahteraan masyarakat."

"Kreativiti dan inovasi

menuntut masyarakat berani melakukan perubahan serta berfikir kreatif untuk mencapai status negara maju menjelang 2020",katanya.

Pertandingan itu menawarkan hadiah wang tunai RM1,500 bagi kategori IPT dan RM1,000 bagi kategori sekolah menengah.

Sekolah Menengah Sains Kepala Batas (SMSKB), Pulau Pinang menerima anugerah *Best of The Best* bagi kategori sekolah menengah dengan ciptaan 'Sawit Hero Pencemaran Zero', manakala Universiti Teknologi Mara Shah Alam mengungguli kategori IPT menerusi hasil penyelidikan bandar masa depan berkonsep 'Bandar Malam' di Alor Gajah, Melaka.

Sementara itu, Fakulti Sistem Komputer & Kejuruteraan Perisian menerusi produk penyelidikan penyelesaian masalah ruangan meletak kenderaan menggunakan sistem komputer menjuarai kategori tertutup UMP dan

turut menerima Anugerah Khas Dato' Haji Che Wan Mohd Khalid Mohamad.

Sekolah Menengah Teknik Tengku Ampuan Afzan, Bentong memenangi Anugerah Khas Pereka Muda, sementara Sekolah Menengah Teknik (Pertanian) Teluk Intan, Perak menerima Anugerah Khas Sains Industri.

“Pertandingan bertema 'Inovasi untuk kehidupan' itu bertujuan meningkatkan kesedaran mengenai kepentingan pemikiran kreatif dalam kalangan generasi muda"

En Jamil Basri
Pemangku Pusat Pengajian Berterusan & Pembangunan Profesional

BIT (Varsiti) Khamis 7/10/10 ms 6



Pelajar SMSKB menerima anugerah *Best of The Best* bagi kategori sekolah menengah dengan ciptaan bertajuk 'Sawit Hero Pencemaran Zero', pada Pertandingan Reka Cipta & Inovasi di Dewan Astaka UMP, baru-baru ini.